


tem/wieder die Schwindsucht/ Darre vnd abnehmen des Leibes/ vnd in den  
Fiebern auch gegen den zuschlag des hitzigen Feners/ sehr nützlich zugebrau-  
chen/Sie werden administrit in der gestalt vnd der dosi, gleich wie hiers  
vorn von den Perlen angezeigt ist/ als ein halbes/ Ja nach gelegenheit auch  
wol ein ganzes scrupel auff einmahl.



TRACTATUS

NONUS.

Vom Algt: oder  
Börnstein.

**A**lstein oder Börnstein ist jederman genugsamb  
bekandt/ woher er aber komme/ vnd was er sey/ vnd woraus  
er entstehe/ davon haben die Alten gar wunderlich Philoso-  
phirt, seltsame Dreume vnd Gedichte herfür gebracht/ die  
denn weithleufftig zuerzehlen/ desgleichen mit bestande zu  
wiederlegen/ allhier zu lang fallen würden. Zu denen so ist es mein pro-  
positum auch nicht/ lassen vns aber daran wol genügen/ daß wir nun mehr  
auff beständigen gründen / als vom Augenschein eblicher örther / da man  
den Börnstein erstlich habhafftig wird/ vnd daß auch hochgelahrte Leute  
davon geschrieben/ vnd es genugsamb dargethan haben ) wissen/ daß er auß  
der Erden entsprieße/ nicht anders als ein feistes gesaubertes subtile Berg-  
harz/ durch vnter irrdische temperirte wärme / von seinen groben unreinen  
Theffen abgesondert/ vnd destillirt/ in den vnter irrdischen hölen/ so von der  
hize vmbgeben seind/ vnd nach graden der hie / auch nach arth vnd gattung  
des vngleichen Bergharzes/ nach deme es roh oder reiff/ rein/ oder vermis-  
chet/ gesaubert/ oder vngesaubert/ new oder alt ist/ in mancherley farben ge-  
bracht welche geendert vnd geleutert worden/ nach vermischung des wasseris-  
gen